

Thaddæum Æstensem, & Guidonem Ranconium Bononien-
 fibus auxilio mittunt: Florentini Asturem Faventinum &
 Simonetum aliquanto antea miserant. Hi haud magno ne-
 gocio fusos hostes ex Bononienſi agro brevi dejecerunt.
 Atque rebus circa Bononiam pacatis, ſociorum copiæ di-
 verſæ abiere: Veneti duces in Galliam, quo trepidiſſimis
 nunciis ob bellum in Cremonenſi renatum revocabantur;
 Hetruſci in Picœnum agrum, ad opem Sforciæ ferendam
 juſſi ſunt tranſire. Siquidem ille poſt Alphonſi Regis Lo-
 doviciſque Pontificis Legati adventum (quorum uterque
 cum magnis copiis in Picœnum venerat) variis cladibus
 aliis ſuper alias acceptis, in ſummum erat diſcrimen ad-
 ductus. Sed nihil æque Sforciæ rebus obſuit, ac ſuorum
 defeſtio. Nam & Troilus cum mille equitibus ad Regem
 tranſiit, tradita illi Æſi urbe, cui præſidio erat impoſi-
 tus, & Petrus Brunorius cum octingentis militibus tranſi-
 tionem fecerat. His & aliis cladibus conſternatus dux,
 alioquin invictus, amiſſo interim Æſtulo, ac fere quicquid
 in Picœno ad eam diem tenuerat, ad Fanum Fortunæ ſe
 receperat: ac tum demum ad Philippum reſpicere cœpiſſe
 creditur, ac cum eo clam fœdus percuffiſſe, conveniſſeque
 inter eos, ut Cremonenſes fines Philippus infeſtaret; ad
 quos motus apparebat Venetos nullo modo quieturos, ſed
 ſubito arma & bellum pro Sforciæ rebus reparaturos: quo
 poſtea conſerto, tum gener quaſi coactus ad ſoceri opes
 converſus, pro Philippo in Gallia militaret, gravique bel-
 lo Venetos urgeret: atque ita ut illi opinati ſunt, bellum
 in Gallia eſt non multo poſt conflatum, ſed meliore omni-
 no Venetarum rerum eventu, quam hoſtes animo con-
 ceperant.

*Sforciæ opes
 frangit du-
 ſtorum de-
 ſeſtio.*

Verum priuſquam ad ea quæ in Gallia ſecuta ſunt,
 tranſeamus, de Picœni belli exitu pauca ſubjiciam. Mi-
 ſerant Veneti ad eam Sforciæ cladem Thaddæum Æſten-
 ſem, Guidonem Ranconium, & Tybertum Brandolinum,
 Florentini Simonetum illi auxilio; erantque cum ipsis du-
 cibus ad quatuor armatorum millia, qui ad Marenianum
 conſederant: ſed ne Sforciæ jungerentur, Picininus ad
 mon-